

MOSES ỌTỌŃỌ UTOM ESIE

Exodus 4:1-23, 27-31

QYQHỌ UKPEP-ŃKPỌ 49

Eke Ikpọ Owo

IKỌ IBUOT: “Anie ọnọ owo inua? Anie onyụn anam imum, ye inan, ye okut usuñ, ye nnan? Nte idighe ami Jehovah? (Exodus 4:11).

I Mme Idiọñọ Ndinam Israel Enyime Utom Emi Ekedọñde Moses Ye Odudu Esie

- 1 Eketie Moses nte ke Israel idinimke ete ke edi Abasi ọdọñ enye, Exodus 4:1; Matthew 13:57
- 2 Esaan Moses akabare edi esan Abasi, idiọñọ ndinam Israel ekut odudu Abasi, Exodus 4:2-5, 20; 14:16; 17:5-7, 9-12; Judges 6:36-40; 2 Ndidem 20:8-11
- 3 Qyqhọ idiọñọ iba owut odudu emi Abasi enyenede ke uduot owo ye mme ńkpọ emi minyeneke uwem, Exodus 4:6-8
- 4 Qyqhọ idiọñọ ita, mmọñ emi akakabarede edi iyip okowut odudu Abasi ke mme ńkpọ obot, Exodus 4:9

II Moses Owut Unana Ukeme Esie, Edi Abasi Ọdọñ

Enye Utom

- 1 Moses abat mme unana ukeme esie ke obukidem ọnọ Abasi, Exodus 4:10; Judges 6:15; 1 Samuel 9:21; Jeremiah 1:6-10
- 2 Enam Moses eti ete ke Abasi edi Andibot owo, enyụn etọñọ ntak esọñọ utom oro ekedọñde enye, Exodus 4:11, 12; 1 Chronicles 29:12
- 3 Moses aka iso owut unana ukeme esie, Exodus 4:13
- 4 Abasi ayat esit ye Moses edi ọnọ enye Aaron eyen-eka esie nte andiñwam ke unana ukeme esie, Exodus 4:14-17

III Edifiak Moses Ẹka Egypt

- 1 Moses onyime ikot onyụn ọbọ unyime ndikpọñ mme ńkpọ uwem emi edibighide ke ini esisit, Exodus 4:18-20; 1 Ndidem 19:19-21
- 2 Abasi ebem iso ọnọ Moses ntọt abaña unana edinyime Pharaoh, Exodus 4:21; Isaiah 46:9, 10; 6:9, 10; Matthew 13:14, 15
- 3 “Israel edi eyen mi, ye akpan mi,” Exodus 4:22, 23; Genesis 25:23; Psalm 33:12; 1 Chronicles 16:13; Deuteronomy 14:2; Ẹwẹd Mbon Rome 3:2
- 4 Aaron ke ndisuk ibuat nnọ ewuhọ Abasi, osobo ye Moses ke obot Abasi, Exodus 4:27, 28
- 5 Etop ye mme idiọñọ Abasi anam Israel enyime ete ke Abasi okop eseme ye ntuaña mmọ, Exodus 4:29-31; 2:23-25; 3:7, 8.

SE EKPEPDE EBAÑA

Ẹtọñọ uwem Moses ekeneñere owut ntim-idem ke se ekeyomde enye anam esin ke akwa uduak Abasi emi akabañade Israel ye ererimbot. Enye ekenyene ndidi ada-usuñ nnọ otu owo emi mikenyeneke andida mmọ usuñ, nnyụn ndi esine-ufọt nnọ Abasi ye mmọ, ndiwut mmọ se idide uduak Abasi. Abasi ke ikọt emi akasakde ikañ ama ọsọsọp owut Moses ke ibio-ibio usuñ se enye edinamde mbon Egypt ye nditọ Israel ke utit ufin mmọ ke Egypt, onyụn ọdọhọ Moses anam mme uduak Imọ.

Nte uduot owo edide, Moses ama ada okut mkpọsọñ ini ke iso emi akanade nte asaña ebe. Abasi ama ọdọhọ Moses ete etiñ ọnọ nditọ Israel Owo emi ọkọdọñde enye utom, ńko Moses ama ebeñe idiọñọ eke edinamde otu nditọ Israel enyime ete ke ikot esie, ye odudu esie eketo Abasi.

Ndusuk, kpa ke otu mme eriyarare emi, Moses ekenyene ekpri ifiok abaña mme ńwọrọ-nda utibe-ńkpọ emi Abasi edinamde ndida mfak Israel. Enye ama okut utibe ubok Abasi nte akayararede ke ikañ emi akasakde ke ikọt ebiet emi Abasi eketiñde ikọ ọnọ enye. Enye ńko ama okut ubok esie akabarede akpamfia, asana nte snow ye nte Abasi ọkọkọkde enye. Ẹko ama okut esan akabarede edi urukikọt onyụn ọtọñode ntak akabare edi esan ke enye omumde ke ńkop-uyo esie ke uyo Abasi.

Esaan oro ekedi eto ukpeme erọñ, utọ oro mme ekpeme ufene esikamade ke ini mmọ esañade anyan isan mmọ ekpeme ufene, edi nso utibe mbuk ekebet enye! Akana nte enyan enye ke enyọñ ididuot inyan man usuñ asiaha ke mbit-mbit, awawa udem. Usen kiet akana nte eda enye emia itiat emi mmọñ ediwọrọde man osuk nsat-itọñ

onyuñ anyañã udim owo osio ke enyene-ndik mkpa. Akana emenere enye man ekan mbon Amalek. Akana, ke akpatre, ediñño enye nte esañ Abasi!

Ke Abasi oyomde ñkpọ ndida nnam utom Esie ekpededi ñkpọ eke minyeneke uwem, me owo, Enye isidqhqke ite tutu edi mmonyo o-gold, me ofiok-ñkpọ, me enyene ukeme owo. Utu ke oro, ke ediwak idaha Enye emek mmeme ye ndisime ñkpọ man Enye esuene mbon eti-ibuot ye mkposon ñkpọ, man mme owo ekpeno Andibot mmọ ubon, mbak owo edibure ke ukeme esie ye se enye anamde (1 Nwed Corinth 1:27-29). Abasi akada esañ anam ke ini enye emi. Ke ini enwen Enye akada nnuk okukim, ebok ndom-uyo, qkpọ-mbañ ass, abañ mbat, ñkpọ utop-itiat ekpeme-eron, akparawa Gideon, osuhore idem Saul, akparawa ekpeme ufene David, Isaiah ye Jeremiah emi ekebiomde idem mmọ ikpe ye suñ-suñ John oduok-owo-mmọñ. “Esañ” kiet emi Abasi eberede enye ke edem oson odudu akan ediwak udim ekon; ntre owo emi enyenede Abasi ke ñkañ esie ofon akan tosin emi minyeneke Abasi (Deuteronomy 32:30; Joshua 23:10).

Utibe-ñkpọ edi se idade itie oto ke odudu Abasi, isañake ñkpọ ye se ekotde mbet-obot, man ayarare owut odudu emi ndusuk owo enyenede, onyuñ owut akpanikọ emi edude ke ndusuk ukpep-ñkpọ. Ikot emi akasakde ikañ ekedi utibe-ñkpọ, sia ikañ nditre ndita oro ekedide se ikpuhorede ye ifiok ererimbot. Ntre ñko ke esañ ndikabare ndi uruk-ikot ye ubok ndidi akpamfia, ye ubok ndifiak mfon nnyuñ nnyene erikok. Mme ñkpọ emi edi mkposon ñkpọ emi ke odudu owo mikpekemeke ndida itie, sia odudu emi akarade miduhe ke idak mbet owo, edi akabare edi mmem-mmem oto ke mbet ukara eke spirit.

Akada se ekpekotde, ekpri mbuotidem man Moses oduok esañ esie ke ison ke mikofiqkke se uduak Abasi edidide; okonyuñ ada akwa mbuotidem ke Abasi, man Moses otonọ ntak omum uruk-ikot emi enye ekefehede qkpọn oto ke ndik. Nko ekpri mbuotidem ye edinim Abasi ke akpanikọ akanam enye okop uyo Abasi onyuñ esin ubok ke ikpanesit esie onyuñ okut enye oyohode ye akpamfia onyuñ abiarade; ye mbrenyin oro, ke ndifiak mbuotidem nsin ubok ke ikpanesit esie anam enye enyene erikok, ubok esie onyuñ afiak etie nte eke akpa.

Ema edomo kpa ye ñkop-uyo Moses, koro adaña nte ememen utom esie ewut enye enyuñ enam añwaña enye ntre ke idem akakpa enye ke ndikut nte utom emi ekponde. Enye ama okut nte utom Abasi ekedide akpan ñkpọ, unana ukeme esie, ye enyene-ndik mbiomo emi utom Abasi edinode enye ke enye onyime. Anie, ke idaha uduot owo, okpobiom enye ikpe ke nditre ndinyime usop-usop?

Abasi ama eti Moses ndibuot idem ye Andibot enye ke mme ini emi enye oyomde qkpōson uñwam; ndien Moses ndisuk ñka iso ntiñ mbaña unana ukeme esie ama ada iyaresit Abasi edi, emi okowutde ete ke ikedighe nsuhore-idem Moses me suñ-suñ ido esie ikpon akanam enye etre ndinyime. Akwa utom oro ye Moses ndikere ete ke Pharaoh idinyimeke mme ebeñe imọ ama anam oson enye idem ndinyime nditonọ utom oro. Nko ini kiet efen Abasi owut ime ye mbom Esie nte Enye anamde ñkpọ ye owo. Enye ama qdqhq Moses ete ke Aaron eyeka ye enye onyuñ edi inua onọ enye.

Obufa edinam Abasi emi ama edi iborq mfaña Moses nte ke enye ikekemeke ndida ke iso edidem ndinyuñ ntim mkpe ubok mbaña ndito Israel emi ekefikde, edi oro ikqbhq enye utom esie ifep. Aaron ekenyene ndidi inua, edi Moses okosuk enyene ndidi esine-ufot nnọ Abasi ye ndito Israel kpa enye emi utom esie edide ndibọ uduak Abasi ke mme ini afanikon. Uwem owo akpanikọ emi ke eduñorede enye, owut ete ke enye ama anam se ekedonde enye nte ofonde. Enye ama okpon ke idaha, mme owo enyuñ ema enye eti-eti ke esit mmọ, anam ndito Israel etuaña ke usen 30 ke mkpa esie, ndien andiwet-ñwed nte spirit akadade enye usuñ, etiñ ete ke baba kiet emi ebietde Moses, idahake aba ida ke eyo Moses, “emi JEHOVAH ofiqkde iso ye iso” (Deuteronomy 34:10-12).

Uwem Moses edi uwut-ñkpọ ke se Abasi ekemede ndinam ye owo emi ayakde idem onọ Abasi. Moses akabat ete ke imọ idighe owo udon-ikọ; edi ke Deuteronomy 32:1, enye ama okot enyon ye ison ete ekop ikọ inua imọ! Ekpri edikot mbuk emi ewetde ebaña mme nneme emi enye ekenemede ye ndito Israel eyewut owo ekededi ete ke ekek mme ndodobi edeme ikemumke enye ifiak edem ke mme ini oro. Ndibe ñkpọ ke esit oro, edi se inñwade. Okposuk edi nte enye ke emana esie ekedide owo emi mikesiwakke nditiñ ikọ, edi ke idaha utom esie nte isun-utom Abasi oto ke edidemere Edisana Spirit, ekeut enye nte “qkpōson owo ke ikọ-inua ye ke ubok utom” (Utom Mme Apostle 7:22).

Ke ndo-ndo oro enye qqbode etop oto Abasi, Moses ama adaha iwiwa aka Egypt, inyuñ inamke Jethro qdiñño nte utom emi enye akakade ndinam okponde. Oro ekedi idiñño qniñ ke ñkañ esie nte enye okomumde item oro akama ke idemesie. Ndusuk ke usuñ isañ esie ndika Egypt ke enye qkonọ ñwan ye ndito iren esie efiak esok Jethro, ete-añwan esie, koro eyighe odu nte ke mmọ ema edu ye enye ke Egypt, sia ikutde nte mmọ efiakde edisobo ke ndito Israel ema ekewonọ ke ison Egypt (Exodus 18:2-6).

Edi utibe nte Abasi akanamde kpukpru ñkpọ ewut idem! Enye ama etiñ ikọ onọ Aaron emi okodude ke Egypt onyuñ qdqhq enye ete aka okosobo ye Moses. Mmọ ekesobo ke Obot Abasi oro edi kpa ebiet emi Abasi, ekenemede nneme ye Moses, kpa do ke ndito eka iba emi ekeneme nneme ye kiet eken, Moses ke afiak etiñ ewuhọ ye item Abasi onọ Aaron ndinam ikọ emi Abasi qkqdqhqde oyohọ se Moses edidide onọ Aaron ke ibuot Abasi.

Mmọ ema etoñọ isañ eka Egypt enyuñ ekesobo ye mbiowo Israel enyuñ enam mme utibe-ñkpọ ke iso ofuri nditọ Israel. “Kpukpru owo enim ke akpanikọ” enyuñ etuak ibuo enọ Abasi koro Enye okopde ntuaña ye mmum mmọ onyuñ ọnọde erifak esọk mmọ ke ini akwa unana mmọ.

MME MBUME

- 1 Nso idiọñọ ita ke Abasi ọkọnọ Moses ete owut nditọ Israel?
- 2 Tiñ mme ini emi ekedade esañ Moses enam ñkpọ.
- 3 Nso idi ntak emi Moses mikọsọpke inyime ndidi ada-usuñ Israel?
- 4 Moses nditre ndisọp nnyime eketie didie ye Abasi?
- 5 Nso ke Abasi akanam ọnọ Moses ke ini enye osuk etiñde eyire?
- 6 Nso ke Abasi ọkọdọhọ yak Moses odorenyin ndikut nto Pharaoh?
- 7 Abasi okokot nditọ Israel didie ke ini emi?
- 8 Aaron akasaña didie ọfiọk ebiet emi enye edisobode ye Moses?
- 9 Nso ikedi utom Aaron ke ini mmọ ekedade ke iso Pharaoh?
- 10 Mme idiọñọ oro ekenam nso ke idem nditọ Israel?